

Увайсий (тахаллуси; исми Жаҳон) (1779 — Маргилон —1845) — шоира, маърифатпарвар. Увайсий оилада хат-саводини чикариб, аввал халфа, сўнгра онасининг ёнида мактабдорлик килган. Акаси Охунжон хофиздан шеърият илмини ўрганган, тез орада шоира, отин сифатида танилган. У, айникса, арузни, муаммо (шеърда фикрни яшириб ифодалаш) санъатини мукамал эгаллаган. Кўкон адабий мухити билан якинлашиб, мушоираларда катнашган. Саройда Нодира ва бошка хотин-кизларга шеърият илмидан дарс бериб, устозлик килган. Дилшод отиннинг маълумот беришича, Увайсий Нодира билан Конибодом, Хўжанд, Ўратепа, Тошкент, Андижон каби шаҳарларга борган. 1842 йилда Бухоро амири Насруллахон Кўконни эгаллагач, Маргилонга кайтиб, умрининг охиригача шу ерда яшаган.

Увайсий 4 девон тuzганлиги маълум. Лекин бу девонларнинг асл кўлёмалари топилмаган. Увайсий мумтоз ўзбек шеъриятининг барча жанрларида ижод килган. Навоий, Фузулий ва бошкаларнинг асарларига мухаммаслар боглаган. Шоиранинг адабий меросида 269 газал, 29 мухаммас, 55 мусаддас, 1 мурабба, чистой, 3 дoston, тугалланмаган бир манзума бор. Ижодининг гоъвий мавзу доираси теран ва кўп киррали.

Шоира адабиётда тараккийпарвар намояндларнинг карашлари асосида майдонга келган инсон тақдири, шахс эрки ва маърифатпарварлик гоъларида латиф ва дилкаш асарлар яратган, асарларида инсонни эъзозлаш, одамларни табиат ва хаёт ноз-неъматларидан бахраманд бўлишга ундаш, дўстлик, вафо ва садокат хакидаги улугвор ниятларини Куръон оятлари, хадислар ва тасаввуфий талкинлар билан асослаган холда ижодий баркамолликка эришган. Унинг шеърларида тарикатнинг талаб ва коидаларига тааллуқли бўлган талкинлар кўп учрайди:

Фано мардумларини сирридин хеч кимса йўк огох,
Кабих гуфтор мардумдин кўнгул дог ўлди, дог ўлди.

Увайсий ўз асарларида юксак одамийликни, шу одамийликни калб тўрида авайловчи вафодор ёрни улуглайди, уни Куёш билан киёс килади. Куёш хар тонг уфқдан бош кўтариб, ўзининг оташин нури билан оламга, одамларга ўз меҳр ва шафқатини сочади. Шоира ёр ва офтоб ташбихларидан каршилантириш санъати оркали энг гўзал туйгулар силсиласини яратади. Унинг лирик кахрамони мушохадакор донишманд, вафоли ошиқ. Унинг анор хакидаги машхур чистони ўзининг мухим мазмуни ва юксак бадийлиги билан шоира ижодининг ёркин бир саҳифаси сифатида кўзга ташланади:

Бу на гумбаздур, эшиги, туйнугидин йўк нишон,
Неча гулгун пок кизлар манзил айлабдур макон?
Туйнугин очиб, аларнинг холидан олсам хабар,
Юзларида парда тортуглик турурлар, багри кон.

Увайсий хаётлик давридаёк нафис лирикаси билан машхур бўлган ва замондошларининг эътиборини козонган. Лирик шеърларидан ташкари, унинг «Шахзода Хасан», «Шахзода Хусан» каби лироэпик асарлари ва «Вокеоти Мухаммад Алихон» каби тарихий дostonлари мавжуд. Шоиранинг лироэпик дostonлари ислом тарихи билан боглик вокеалар асосида яратилган.

Увайсий асарлари ўзининг латиф мазмуни ва дилкаш бадийлиги билан халк оммаси орасида кенг ёйилган, хофизлар, хонандалар томонидан маком ва халк оханглари йўлида куйланиб келинади. Унинг хаттотлар томонидан кўчирилган 3 нусха кўлёмма

девони Ўзбекистон Фанлар Академияси Беруний номидаги Шаркшунослик институти ва Андижон университети кутубхонасида сақланади.

УВАЙСИЙМАН

Мехнату аламларга мубтало Увайсийман,
Кайда дард эли бўлса, ошно Увайсийман,

Истадим бу оламини, топмадим вафо ахлин,
Барчадин юмуб кўзни муддао Увайсийман.

Уз дилинг тааллуқдин, банд кил худо сори,
То дегил кеча-кундуз: “Мосиво Увайсийман!”

Кечалар фиғонимдин тинмади кавокиблар,
Арз то само узра можаро Увайсийман.

То кўриб хароботин таъна этма, эй зоҳид,
Бир нафас эмас холи иктидо Увайсийман.

Факр боргоҳига кўйса гар кадам хар ким,
Бош агар керак бўлса, жонфидо Увайсийман.

Вайсий бериёзат деб сахл тутма, эй ориф,
Ишк аро нихон дарди бедаво Увайсийман.

КЎНГУЛ ДОГ ЎЛДИ...

Замона кулфатидин бу кўнгул дог ўлди, дог ўлди,
Бу чархи бемурувватдин кўнгул дог ўлди, дог ўлди.

Жарохат бўлди бағрим тигИ бедоди ракиблардин,
Бу кўтоҳфахм мардумдин кўнгул дог ўлди, дог ўлди.

Бу гулзори фано ичра махали беҳалал йўқтур,
Хамеша захми хородин кўнгул дог ўлди, дог ўлди.

Фано мардумларини сирридин ҳеч кимса йўқ оғох,
Кабихғуфтор мардумдин кўнгул дог ўлди, дог ўлди.

Кўнгул кони фароғИ дийдадин бир лаҳза банд ўлмас,
Вужудим изтироб айлаб кўнгул дог ўлди, дог ўлди.

Турубдур бағрим ичра кон мисоли гунча, найларман,
Очилмай гулсифат ушбу кўнгул дог ўлди, дог ўлди.

Сўзимдин хотиринг узра гумоне ўзга еткурма
Ки, изхор айламай найлай, кўнгул дог ўлду, дог ўлду.

Мен расвойи оламдин мабодо эътироз этма,
Такаллум бирла шод айла, кўнгул дог ўлди, дог ўлди.

Кўнгулни оташин бежо килибдур нутки гуфтори,
Каю бог андалибидин кўнгул дог ўлди, дог ўлди.

Бу сўзни айлади барпо ажаб густохлик бирла,
Малоли хотир ўлгайму, кўнгул дог ўлди, дог ўлди.

Ажаб ашъори мавзун боглади Вайсий хасаддинким,
Умархон зуфунунеким, кўнгул дог ўлди, дог ўлди.

СОГИНДИМ

Бугун, эй дўстлар, фарзанди жононимни согиндим,
Гадо бўлсам, не айб, ул шохи давронимни согиндим.

Мусофирман, гарибман, бекасу хам бенаводурман,
Вужудим дарда тўлди, эмди дармонимни согиндим.

Тилимнинг зикрию кўнглимни фикри, яхши фарзандим,
Азизим, ёлгузим, давлатли султонимни согиндим.

Кеча-кундуз йўлига мунтазирдурман, тикарман кўз,
Келиб холим сўрубон кетса, мехмонимни согиндим.

Насибин узмади тангрим, иложин топмагай келса,
Онам деб бўлгуси багри кизил, конимни согиндим.

Коронгу бўлди олам кўзима ушбу жудоликдин,
Кўзу кўнгулум зиёси, мохи тобонимни согиндим.

Мени бекас Увайсий йиглагайман рўзи шаб тинмай,
Уйимнинг зийнати, кўз равшани, хонимни согиндим.

КАБУЛ ЭТКИЛ

Келибман даргахингга, шохи хўбоним, кабул эткил,
Багир коним била бул чашми гирёним кабул эткил.

Умид айлаб талаб олмокка кирдим рохи покингга,
Йўлингга айлаган фарёду афгоним кабул эткил.

Тушубдур бошима савдойи ишкинг, эй шаханшохим,
Алам бозорида бул дарди пинхоним кабул эткил.

Ўтубдур гавхари ноёби умрим токи гафлатда,
Тазарруъ зор илан килгон пушаймоним кабул эткил.

Тегибдур новакингдин неча ўк жисмим аро пинхон,
Шахиди ишк ўлмокка окан коним кабул эткил.

Увайсий гарчи нокобил, келибдур остонингга,
Фигону охи сўзонини, султоним, кабул эткил.

ЧИКИБ ИШК ЎТИ...

Чикиб ишк ўти кўксим чокидин, бошимдин ошибдур,
Курук шохеки, гўё ўз ичидин ўт тутошибдур.

Кўзинг жон лабга еткурди, лабинг жон кўшти жонимга,
Бу икки дўстлар ул жони махзуним талошибдур.

Азал кунда асар этганди сирри май кулогимга,
Бугун, вах, дил булоги жўш урмокликда тошибдур.

Висолинг орзуси шиддати хижронни йикмокда,
Бу икки пахлавон майдони дил узра курошибдур.

Увайсий, олма бошинг зикру фикри ёр ёдидин,
Сулуки ишк аро бе ёди хак йўлдин одошибдур.

МУНОСИБ

Эй гул, жигарим кони узорингга муносиб,
Юз порали кўксум даги хорингга муносиб.

Сарф айлама хар бехабара лаъли кадисинг,
То кахру газаб мени зорингга муносиб.

Тун согарида шарбати бедорлиг ичсанг,
Мастоналиг ул чашми хуморингга муносиб.

То килди муаттар хати райхони сахаргох,
Хушхоллигим хусни бахорингга муносиб.

Манъ этма тараххум этибон, ёр, йўлунгдин,
Ашким йўл аро манъи гуворингга муносиб.

Дил манзарини пок этибон мунтазир ўлдум,
Бўлгойму экин табъи гулзорингга муносиб?

Рашк оташини, Вайсий, бугун айла мукаррар,
Юз сен каби девона нигорингга муносиб.

КОКУЛИНГ

Бўлмасайди то паришонлигда зебо кокулинг,
Килмагайдим шона чогида тамошо кокулинг.

Ўрмасам эрдим олиб илгимга ул машотни,
Килмагай эрди мени оламга расво кокулинг.

Ё харидор ўлмасам эрдим жунун бозорида,
Солмагайди бошима юз рангли савдо кокулинг.

Хухни рухсоринг тўё кўрган эдим кадр тунни,
Килмасайди юзларинг устида гавго кокулинг.

Колмагайдим норасолар таънайи пинхониға,
Этмасайди сиррими элга хувайдо кокулинг.

Кўнмасайди мох рухсорингга кўнглумнинг куши,
Тушмагайди тори то бўйнулмга ялдо кокулинг.

Осмасайдинг жон олур вақтинда зулфинг дор этиб,
Бўлмагайди мунча Вайсийга мужалло кокулинг.

МЕНДИН ЎРГАНДИ

Ки булбул нола, афгон айламакни мендин ўрганди,
Вужудин шамъи сўзон айламакни мендин ўрганди.

Бориб сахрога, кон багримдин изхор айладим бир кун,
Фалак багрин кизил кон айламакни мендин ўрганди.

Шафак хун бўлгуси, дил, ёр меҳри гар нихон бўлса,
Само гулгуни домон айламакни мендин ўрганди.

Кўруб абрў хилолинг, жон фидо килдим жамолингга,
Ул ой хуснига курбон айламакни мендин ўрганди.

Фигонким, гам тароги хаста кўнглум реш-реш этти,
Санам зулфин паришон айламакни мендин ўрганди.

Сени изларман андоққим, қуёш дийдорин изларда,
Кезиб тун-кун, шитобон айламакни мендин ўрганди.

Каноат килди Вайсий, топти дилдин гавхари назмин,
Садаф ҳам дурри галтон айламакни мендин ўрганди.

ЧИСТОН

Ул на гумбаздур: эшиги, туйнугидин йўк нишон,
Неча гулгунпўш кизлар манзил айлабдур макон.
Синдуруб гумбазни, кизлар холидин олсам хабар,
Юзларида парда тортиглик, турарлар багри кон.

ОШИК БЎЛМИШАМ

Бир пари пайкар суманбар ёра ошик бўлмишам,
Лаъли дилкаш, сўзи хуш дилдора ошик бўлмишам.

Мадди охим кўкдадур, соруг юзумда ашки ол,
Ул кадди раъно, юзи гулнора ошик бўлмишам.

Килм гулкандинг ила заъфим иложин, э хақим,
менки, гулбарги шакар гуфтора ошик бўлмишам.

Нолау афгон эртарман кумридек булбул каби,
На ушунким, сарвигулрухсора ошик бўлмишам

Лабларингдин то кўриншим хуш-хуш инжу тишларинг,
Лаъли бирла ул дури шахвора ошик бўлмишам.

Дўстлар кўнглум олон зулфи мусулмонкуш эрур,
Кофиредур, кокули зуннора ошик бўлмишам.

Ўзни куткармок учун елдим-югурдим хар сари,
Ох вовайлоки, бора-бора ошик бўлмишам.

Манзилу кўю, алойик бандидин озодман
То тарики `хожаи Ахрора ошик бўлмишам.

Баски, саргардон, куюн янглиг югурмакдур ишим,
Ишк водисига ман овора ошик бўлмишам.

Вайсийдин хуш истамаклик йўк муносиб не учун?
Бир пари пайкар суманбар ёра ошик бўлмишам.